
民國護

第五編 • 19 •



民

或

叢

書

第五編 · 19 · 社會科學總論類

中國古代乐族移殖史論中國宗族制度研究

冰業裕編述

吕誠之著

上层書店

節編著

日誠之著

國宗族制 渡小史

中華民國一八、十、四、出版 究必印翻 發 盚 (全一册定價大洋四角)中國宗族制度小史 售 行 處 者 潪 外华的加郵农匯費 中 中 ヨ 上 平山海 大 Ш 誠 局 局 之

中國宗族制度小史

然則生民之初,果若何情狀乎?曰:此非今日所能知也。勉強推 也 世人有恒言曰:集人而成家,集家而成國,集國而成天下。 最後乃知有個人。故法律重視個人之權利,必在稍進化之世。而 家國天下之成,由集小而爲大,則誤矣。此無徵不信之言也 進,乃從渾然一大羣中,分爲若干小羣,演進愈深,分析愈細 度 つ則日 ,謂就今日之家國天下,析而觀之,而見其爲如此則可 一:無人我 ,無羣己,渾然集若干人於一處而己。迨其 0 因謂 斯言

渾然一大羣,何由分爲若干小羣乎。 曰:自知血統始。人之相仁 中 國 宗 族制度小史

個人主義之大昌,則近世之事

也

中國宗族制度小史

偶也, 不然,人無由生存;且此固禽獸之所知也。特禽獸動作,純任本 他種關係,皆較後起,惟母之鞠育其子,則必最初即然 0

憶之力較強;長大之後,慈孝之心仍在耳。故人之相仁偶也,始 能 ၁ 長能自立,則忘其母 。母亦不復顧其子。人則 知識較高 , 記

於知生我之母 。知有母 則知有與我同母之人焉。由此而推之,

此而昉也。記曰:「大上貴德,其次務施報。」此言始不知有人我 則又知有母之母焉;又知有與母同母之人焉。親族之關係, 蓋 曲

而後知之也。左氏曰:「大上以德撫民,其次親親,以相及也 此言始不知別親疏,而後知之也。

· 由禮上。 ❷僖二十四年富辰之言。

;又古者同族不昬,子女必屬一族;飲食保抱之責 子女自屬母族也。迨男權日張,婦屬於夫,子女亦爲父所有 類之知有統系,率 先母而後父。以知父必待夫婦之制旣立以後 ,既由母任之

乃由母系易爲父系。

舅同族,父子則否 之族 **时系時代,人之聚居,率依其母。男子與異姓匹合,則入居其** ,而其身仍屬其母之族 財產或傳諸甥 。猶後世世叔父同居 ,蓋由於此?斯時統系 。生有子女 ,而母族爲外家 ,亦屬其妻之族 蓋如左圖 也 ? 0 斯 0 淺演 带 鄋

女 中 國 姓 姜 姓姬 宗 女 族 姓姜姓姜姓姬姓姬 制 度 小 史 女姓 子 姜

Ξ

女權與女系異義 。女系時代,事權不必皆在女子手中。 特是時女

子之權利 ,總較後世爲優耳。大抵漁獵之世,人恒聚族而居 。生

事簡單,男權不顯。迨乎游牧須逐水草,農耕須服田疇 , 則 人類

由合而分,而女子逡爲男子之私屬。向者一族之中,以女爲主 而男子附之者,今則以男爲主,以女附之。於是系統亦主於男 ,

而所謂氏者興矣。夫生計漸裕,則私產漸多。人之情,莫不私其

其父爲何人。又古代職業,恆父子相繼,而其貴賤卽因之。 子。父有財產,恆思傳之於其子。於是欲知財產之誰屬,必先知

之子,所以繼爲酋長者,以其爲酋長之子也。奴隸之子,所以仍

父爲何人矣。於是表明父爲何人之名興,而氏立矣。故姓之興, 爲奴隷者,以其爲奴隷之子也。然則欲知其人之貴賤,亦必知其

日知錄日: 震大叔 也<u>。</u> 所以表血統。氏之興,則所以表地位,財產等系統者也。 十三年,申鮮虞之傳擊,申鮮虞之子名傳擊也。按儀禮特牲饋食 妻者也。要之表明其有所繁屬而已 醴;筮某之某爲尸。注曰:某之某者,字尸父而名尸也。亦此類 妾杜氏。上送金釵鑷二十枚,手敕曰:餉周公阿杜。」 此以父名子者也。又曰:「左傳昭元年,當武王邑姜 。漢書杜欽傳:皇太后女弟司馬君力。南齊書:周盤龍愛 「左傳成十六年,潘尩之黨,潘尩之子名黨也。襄二 3 。此氏之所由興也 0 此以夫名 ,方

註 **濟王吳。譯乃劉仲之子,稱為厥濞。** ●「原注・少牢饋食禮同。」 中 國宗族制度小史 ●原注:「 **日**案左隱六年,頃父之子嘉父。疏日 史記太史公自序 王. *維仲之省,厥

図 宗 族制度小史

頃父舊居職位,名號章顯。嘉父新為大夫,未甚著見。故繁之於父。諸繁

父爲文者,義皆同此也。 四原注:「蘇林曰:字君力,爲司馬氏婦。」

九族 内爲一族。父女昆弟適人者,與其子爲一族。己女昆弟適人者, 女系時代,聚族而居,蓋全依乎母?其制已不可考。惟今文家說 ,尙兼男女系言之耳。今文家說九族曰:「父族四:五屬之

姓為一族。母之母姓為一族。母女昆弟適人者為一族。妻族二:

與其子爲一族。己之子適人者,與其子爲一族。母族三:母之父

詩葛藟正義引五經異義。古文家以「上自高祖 妻之父姓爲一族。妻之母姓爲一族。」此今戴禮歐陽尚書說。見 ,下至玄孫爲九族

相依凑也。生相親愛,死相哀痛,有會聚之道,故謂之族。| 蓋 此乃九世也,誤矣。白虎通曰:「族者,凑也、 聚也。謂恩愛

E ●見書堯典釋文。 ●俞氏樾說。

者,則宗子也。白虎通義曰:「宗者,尊也。爲先祖主者 宗與族異 權ノ 之人。夫於親族中奉一人以爲主,則男女必擇其一。斯時族 別也。宗則於親族之中。奉一人焉以爲主。主者死,則奉其織世 既在男而不在女 。族但舉血統有關係之人,統稱為族耳。其中無主從之 ,所奉者自必爲男。此卽所謂始祖。繼其後 5, 宗人 中之

之所尊也。」是其義也。

宗又有大小之分。宗法之傳於今者,惟周爲詳。蓋其制實至周而 備也?今略說之。周代宗法,見於禮記大傳。 大傳日 : 別子爲

七

中

國宗

族制度

小小史

酮 敢禰先君 諸侯。」 繼禰者爲 為祖。」繼別為宗,「別子之世適也。族人尊之,以爲大宗。」 祖 小宗四, 也 小宗 。其玄孫繼之,時曰繼高祖小宗。繼禰者,親兄弟宗之。繼祖 。百世不遷。別子弟二子以下,是爲小宗。其子繼之,時曰繼 。宗其繼別子者,百世不遷者也。宗其繼高祖者,五世則 0 繼別爲宗。繏禰者爲小宗。有百世不遷之宗。有五世則遷之 注曰:別子爲祖 。其孫繼之,時日繼祖小宗 故諸侯之子,惟適長繼世爲君。其弟二子以下,則悉不 與大宗凡五。」蓋古者「諸侯不敢祖天子,大夫不敢祖 ,其後世逢奉以爲祖,是爲別子。別子之世適 小宗,「父之適也。兄弟尊之,謂之小宗。」又曰:一 ,「謂公子,若始來在此國者 。其曾孫繼之,時日繼 一,後世 ,謂之大 曾 奉以 遷者 궲 小

者,同堂兄弟宗之。繼曾祖者,再從兄弟宗之。繼高祖者,三從 兄弟宗之。至於四從兄弟,則不復宗事其六世祖之宗子。所謂五 教,下殺,旁殺而親畢」 也。然則一人之身,當宗與我同高 世則遷也。所以五世則遷者,以「親親以三爲五,以五爲九,上 五也。夫但論親族之遠近,則自六世而往,皆爲路人矣。惟共宗 ,祖,父四代之正適,及大宗之宗子。故曰:小宗四,與大宗凡 別子之正適,則雖百世而其摶結不散。此宗法之組織,所以爲 ,曾

註 ●喪服小記略同。 ●以三爲五,以五爲九,謂上親父,下親子;以父親亂 大而且久也。

,以子親孫;以祖親會,高,以孫親會,玄

中國宗族制度小史

宗法圖

國君||圖君 適長

—别子 大宗 之祖——大宗宗 子——大宗宗子——大宗宗子——大宗宗子 一嗣君

一嗣君

嗣君

嗣君

·嗣君·

--小宗宗·子T--繼爾小宗--繼嗣小宗--繼會 祖小宗--繼高祖小宗

小宗宗子

|一繼禰小宗||機組小宗|

機會祖小宗

小宗宗子|一機禰小宗· 機祖小宗

小宗宗子 機稱小宗

公子不得禰先君,因而別爲一宗,爲宗法之一義。 始來在此國者

—小宗宗子

不能 此 正嫡治理所不及,乃不得不別立一人以長之。一羣治理之權,旣 猶大宗之於小宗也。此古代脩身,齊家,治國,平天下,所以 家 受封,卿大夫初至一國,所以恆爲其國之大宗也。然其於故國舊 世則遷之小宗,不足以當之,而不得不別立一大宗矣。此諸侯初 地,則但奉一始祖之正適可矣。惟其有遷居他處者,爲始祖之 實與封建之制 後世奉以爲祖,爲宗法之又一義。兩義之中,後義實爲尤要 ,大小宗之關系仍不絕。篤公劉之詩曰:「君之宗之。」 毛傳 :「爲之君者,爲之大宗也。」板之詩曰:「大宗維翰。」傳 「王者天下之大宗。」此言天子之於諸侯,諸侯之於大夫, 一日無所寄。則此分司治理之人,其統緒亦不容絕。於是五 ,相輔而行者也。蓋使同出一祖之人,永聚居於

國宗族制度小史

以貫之也。

註

所由 諸侯稱周召 翦也。蓋 1、族之人,聚居一 子,族人之祇事其宗子也。講信修睦 關係,實多宗族之關係。天子之撫諸侯,宗子之收恤其族人也。諸侯之尊天 莫之行;」左僖五年,虞公曰:「晉吾宗也」是也。 相宗。孟子:滕文公欲行三年之喪,父兄百官皆不欲,曰:「吾宗國魯先君 ●如周公在魯爲大宗,在周爲小宗。三桓在其族爲大宗,在魯爲小宗《當時 今子以小惡而欲覆宗國,不亦難乎? | 此大夫之宗諸侯也。又諸侯與諸 有分土,無分民。」有分土,則封建之謂。無分民者,同出一始祖之後者 與 0 而分殖于外者 為宗周,此諸侯之宗天子也。左哀八年,公山不狃謂叔孫輒 ,仍不可不思所以聯結之,此宗法之所由立 處,久則不足以容,勢不得分殖於外 ,同族之相親也。與滅 ●古代天子諸侯問之 繼絕 , 此封. 0 同 傅 { 族 日 建之 日 不相 侯亦

故也,此古代舉一孝字,所以其義蟠天際地,蓋古之搏結惟宗族 圖自存, 有土之君 民以自養;所據之地日擴,一人之力,治理有所不給 寡助,此惡其合而不分之說也。封建之行也,得一地,則 其敵 伺族之人多,則又闢新地,滅人國以處之。所分出之同族 諸侯與大夫之關係 無不當受治於大宗之宗子也。夫封建云者,一族之人,據一隅之地 則全族自衞之道,靡不該焉,夫力惡其分而不合,亦惡其合而不分 往治之云爾,所分出之一支而所據之地又大,亦用此 ,合則力厚,此惡其分而不合之說,分則占地廣 ,枝又生葉,而其 聚 即不得不翊衞其宗子。而宗子之所以爲族人所尊 ,故能收恤 丽 殲旃 可 耳,一 「其族人。所謂族人,實與宗子同生息於此封地之上,欲 ,所以其名雖異 一族之人,遂偏布於天下,夫欲滅聚居之一族 族之人,而偏布於天下,則雖有強者 ,其實則同也。然則當時之宗子,必皆 ,則分遣同族中之一支 而多助,合則占 ,則以 法 ,又復 分同族之人處之 • 此天子與諸侯 ,亦末如之何 其為 如是 , Mi ,役 ,分則 先祖 ,苟乘 地 言孝 如 狹 M

國

宗

族

制度

小史

四四

其後則· 於最後,則此族之存者惟一人;欲覆此一族者,覆此一人可矣,秦之亡是也 其分布之廣也,而開自相攻擊之端。見吞幷者日多,卽其族之存者益少,至 布其種於天下,似無可亡之道也,當時之平民,亦斷無亡之之力也 壤之物,至堅而莫之能壞者,卽含自壞之道。古一姓之人,藉封建之制 伯叔甥舅矣,國與家,大利之所在也,以大利之所在,徒臨之以宗子之空名 遷之大宗搏結之,使雖遠而不散。其所搏結者,亦其名焉而已, 親親以三為五,以五為九,至矣,無可復加矣。 也已,此炎黄之裔,所以傳世長久也,然則何以卒至於滅亡也 人矣,路人安能無相攻?況乎封建之始,地廣人希,諸侯壤地,各不相 之制者雖強,有自亡之道焉 禍福倚伏之理,豈不詭哉? 丽 [望其不爭,豈不難哉?此諸侯卿大夫之間,所以日尋干戈也。天下無不 犬牙相錯矣 。封建之始,頹族錯雜,所與競 ,蓋旣知宗族,則有親疏, 而立宗法者 者, 此無 率多異族 , 可 如何之事 ? 必欲以百 其實則爲路 , 其後 。乃正以 : 行封建 ,徧 則皆 接 世不 也

古未有今所謂國家。摶結之最大者,卽爲宗族。故治理之權,咸 理之權之謂也。繼承之法,隨時隨地而異。周代則特重嫡長 理之權,則衆子之中,不得不擇其一矣。所謂繼承者,卽繼承治 之所以特重正嫡者亦此義。蓋但論親情,則衆子相等。若欲傳治 在於族。族人於小宗宗子,僅以本服服之。於大宗宗子,則五 之喪。其正體傳重者,則父爲之斬衰三年,母爲之齊衰三年。蓋 而不體,體而不正,正體不傳重,傳重非正體,皆不爲之服三年 而外,悉爲之齊衰三月。於其母妻亦然。此庶人爲君之服也。古 。 正

語 ● 道孫。 國宗族制度小史 ❷無子 〇,適子有**廢疾**。 四庶孫爲後

兼重親情與傳統也。

Ģ 6天子諸侯,以拿

他國 古代最重祭祀。故支子不祭,祭必告於宗子。「曾子問日: 而已。內則曰:「適子庶子,祗事宗子宗婦。雖貴富,不敢以貴 **賓奠而不舉;不歸內。其辭於賓曰:宗兄,宗弟,宗子在他國** 常事。攝主,不厭祭,不族,不假,不綏祭,不配。布奠於賓 之家。祝曰:孝子某,爲介子某,薦其常事。若宗子有罪,居于 于爲亡,庶子爲大夫,其祭也如之何?孔子曰:以上牲祭於宗子 ?孔子曰:祭哉。請問其祭如之何;孔子曰:望墓爲壇,以時祭 使某辟。曾子問曰:宗子去在他國,庶子無虧而居者,可以祭乎 • 若宗子死,告於墓,而後祭於家。宗子死,稱名不言孝。身沒 , 庶子爲大夫 , 其祭也,祝曰:孝子某,使介子某,執其 絕旁親之服。大夫降一等。惟於妻長子之妻皆不降,亦重其傳統也。

服,裘衾,車馬,則必獻其上,而後敢服用其次也。若非所獻 **富入宗子之家。雖衆單徒,舍於外,以寡約入。子弟猶歸器。衣** 則不敢以入於宗子之門。不敢以貴富加於父兄宗族。 。」可見是時宗子之尊矣。 一牲。獻其賢者於宗子。夫婦皆齊而宗敬焉。終事,然後敢私祭 若富 一,則具

王 **日**曲禮下。 **日**曾子問。

而同 喪服曰:「昆弟之義無分。然而有分者,則辟子之私也。子不私 夫死子釋,子無大功之親,與之適人。」又云:「**小功巳下爲兄** 其父,則不成爲子。故有東宮,有西宮,有南宮,有北宮。異居 財 0 有餘則歸之宗。不足則資之宗。」案繼父同居傳曰:

中國宗族制度小史

一八八

也? 以祿 篇 之道奈何?管子對曰:公脩公族,家脩家族、使相連以事,相及 時宗族之間,財產之相通。蓋古者一人本無私財,財皆其族之財 意諸為之。曰:「去官則族無所庇。雖亡子,猶不亡族。」可見是 黨無不足於衣食者,妻之黨無凍餒者。宋公孫壽辭司城 限。然收恤所及,初不止此。故晏子,父之黨無不乘車者,母之 弟 同財而限於大功,其去古已遠矣。管子小匡篇:「公日 。」既夕禮云:「兄弟賻奠可也。」則此所謂同財者,以大功爲 : ,則民相親矣。放舊罪,修舊宗,立無後,則民殖矣。」問 皆若能脩其族,則民不患其無養者。周官所謂 蓋謂此也。 門國之棄人,何族之子弟也?」 「問鄕之貧人,何族之別 「宗以族得 ,使其子 :愛民

●注・「子無大功之親 ,謂同財者也 <u>ه</u> 多太宰

子日: 扶持,則百姓親睦。」平民之搏結,如是而已 其太祖。天子及其始祖之所自出。」其位愈尊,所追愈遠 見平民於統系不甚了了。於統系不甚了了,自無所謂宗法矣。孟 焉?都邑之士,則知尊禰矣。,夫及學士,則知尊祖矣。諸侯及 謂摢結也。喪服傳曰:「禽獸知母而不知父。野人曰:父母何算 必逐田畝散處;貴族治人,其摶結不容渙散 宗法蓋僅貴族有之?以貴族食於人,可以聚族而居,平民食人, 「死徙無出鄕;鄕田同并,出入相友 ,守望相助 ,平民治於人, ,疾病相 卽 無所

古無所謂國與家也,人類之搏結,族而已矣。族之大小不一。今 中 國宗族制度小史

古文家所說之九族,皆族之一種也。合族而居,治理之權,必有 義:一卿大夫之家,一卽今所謂家。今所謂家,其職有四:(一 所寄。所寄者亦不一 則一家之人率凤財,有無相通。此所以相生相養也。國則操治理 哉?日 可缺一。在古代皆宗族職之。其後則相生相養之道歸諸家,治理 之權,謀公益,禁強暴,所以維持現狀,更求進步者也。二者不 擴而 之權操諸國。而所謂宗與族者,遂有其名而亡其實焉。此其故何 交易未開。生事所資,率由自造。既非獨力所及,自不得不合親 爲夫婦同居之所。 (二) 上事父母。 (三) 下育子女。 (四) 漸廣 :社會之變遷爲之也。古代親愛之情,限於同族 0 汎愛之情旣進,偏私之念自袪一也。古代分工未密 。周之宗法,亦治理之一法也。古家字有二 。後世 則

親族 族而處明矣 財 其所遣分治之子弟,亦漸變而爲官吏矣。兩族相遇,不能無爭 國之所以立:則由族長所治,非復一族之人,遂漸變而爲君 後可以持久。然如耕農,一夫百畝,方里僅容九夫,其必不能合 滋暗長於大族之中矣。三也。聚居之制,必與營生之道不悖 親盡情疏之人以共處?二也。古者生利之法甚粗 族爲之。後世則一人之身,而百工之所爲備。所待以生者,實非 亦或以治化之優,酋豪才德之異,此族自爲彼族所歸向 之人遂日多。有私財之人多,則如大功以下同財等小團體 胼手胝足,皆為族謀。後世則智巧日開,願望日富。族中有私 ,而爲林林總總,不知誰何之人。生事既不復相資 。四也。凡此皆家之所由興,而族之所由散也。至於 ,欲利之心亦淡 。皆血統 ,何必合 主 滑 0

中國宗族制

度小史

情所不 不同之族。 持久而不渙,亦必爲衆之所利,而後能然。故民約之義,不能執 歸之。虞芮質成是也。聯衆族以奉一尊,雖不必出於要束。 史無其事以爲難也 無大於族,則兩族相遇,茍有齟齬,卽須決之以兵爭,此殊爲人 便 。故諸族之中,苟有一 所以漸合為一 ,而國之所由立也。夫使人類之組織 族 ,能平他族之爭者, 他族自 然能

樂

○ 一个文家兼女系言之,時代較早。古文家專就男系言之,蓋在宗法既完備之 後也。 之家,一夫上父母,下妻子者也。今人多詆中國為大家族,其實西人之家, 궄 ,非家至而日見之也,亦謂天下民家,非大夫稱家也。」 中國普通之家 ❷詩序-「國異政,家殊俗,」正義 ,則係 如此。自古迄今,無甚大變。此卽古所謂五 • 「此家謂天下民家 日家之制 口八 孝經 亦不 П

ì

較之中國,亦僅少上事父母一端耳。數世同居,宗族百口,在中國亦非恆有 之專也。 四左僖十年,狐突曰:「神不歆非類,民不祀非族。成四年,李

然。則兩族之神,各有所司,亦有更王之道。如通三統及五德迭 彼族所奉之神之上。如周人謂,「姫姓日,異姓月」是也。又不 神,一也。諸侯助祭於天子,蓋源於此?不則以此族之神, 族。然各族聯合之際,亦自有其調融之道焉。合諸族以尊一族之 王之說是也。 遂古之民,必篤於敎。族各有其所尊祀之神,未必肯舍之而從他 文子引史饫之志曰。「非我族類,其心必異」。皆古人歧視異族之徵也。 加於

註 ●此非以諸侯與天子同族。「殷士腐敏,裸將於京,」是其驗也。 中國宗族制度小史 日だ成

十六。

爲主,姓亦遂改而從男。特始祖之姓,則仍從其母耳 氏所以表男系也。然及後來,男子之權力旣增,言統系者專以男 日無姓。無姓卽氏也。亦曰族。隨時可改。大傳曰: **祖乙姓日正姓** 人類既知有統系,必有所以表之。時曰姓,氏。姓所以表女系 弗殊,雖百世而昏姻不通者 上 始姐爲正姓 , 服之窮也。五世袒免,殺同姓也。六世親屬竭矣。其庶姓別於 宋姓子。庶姓,若魯之三桓,鄭之七穆。」 而戚單於下,昏姻可以通乎?繫之以姓而弗別,綴之以食而 ラ高 。百世不改。正姓而外,別有所以表其支派者,時 祖爲庶姓。」疏曰:「正姓,若周姓姫,齊姓姜 ,周道然也。」 沿:「姓 蓋正姓所以表大宗 īF. 周月 「四世而總 姓 制 , 也 始

EEE ●杜預釋例日:「別而稱之謂之氏,合而言之則日族。」案別而稱之,謂此:

族之人,以氏與他族別也。合而言之,謂同族之人,皆同此一氏也。

衡詰術篇:『古者有本姓,有氏姓。』本姓卽正姓,氏姓卽庶姓也

如展氏,臧氏是也。此外得氏之道甚多。鄭氏通志列舉之,凡三 五十字伯仲爲氏,若魯之仲孫,季孫是也。庶子以二十字爲氏, 則追溯其祖,故以王父字爲氏。其中又分爲二:適夫人之子,以 公子之子曰公孫。公孫之子,不得上繫於諸侯,則別立氏。立氏 命氏之法:諸侯卽以國爲氏,岩踐土之載書,晉重,魯申,衞武 ,蔡甲午:鄭捷,齊潘,宋王臣,莒期是也。諸侯之子曰公子,

中國宗族制度小史

中國宗族制度小史

十二。予识分之爲七類。 第二類 第一類 $\widehat{}$ (二) 國 姓 (三)鄉 苞天子諸侯言之,如周魯是。 古代表女系之姓, (四)亭 周世所謂正姓也 (五) 國系 0 二一邑 如唐

如苦成。 部居地也。如東門襄仲,東里子產。O潛夫論志

大夫也。

(七) 邑系

如原伯,申叔,

(八) 邑諡

权 膝 权 。

(六) 國貿

如夏侯,息夫。息夫者,息公子為

卿大夫。

第三類 氏姓:東門,四門,東郭,北郭,所謂居也。 (二) 地

第四類 (1)字 (二)名 族。亦有非詮者。 (五) 諡 (六) 族系 (111) 次 (四) 族 如叔孫, 以證實

季| (七) 名氏 如士季,伍鑫, 八 超光

第五類 (一) 官 (二) 餜 如楚釐子之後爲釐子氏。 \equiv 技 如巫,卜。

官名 如師延,史晁。 五 假系

如王叔。

回

六) 舒謚 如衞成公之後爲成公氏

(一) 吉德 (11) 凶德 如黥布。 (三) 事 如

第六類

漢丞相田千秋,以年老,許乘小車入朝,時人稱車丞相,其後人

以車為氏。

第七類 (一) 代北複姓 (二) 關西複姓

諸方

複姓 (四) 代北三字姓 (五) 代北四字姓

此外又有生而有文一種。如武則天之先,爲周平王之後,生而手

中國宗族制度小史

以爲女坊也。自秦以後之人,以氏爲姓,以姓稱男,而周制亡, 以序,叔隗,季隗之類是也。已嫁也:於國君則稱姓,冠之以國 乎?無有也。女子則稱姓。古者男女異長。在室也,稱姓 千萬年而不變。考之於傳,二百五十五年之間,有男子而稱姓者 有文曰武,遂以武爲氏是也。鄭氏別附之於後,蓋不信之。 仲子,少姜之類是也。是故氏焉者,所以爲男別也。姓焉者,所 顧亭林原姓篇曰:「男子稱氏,女子稱姓。氏一再傳而可變,姓 **嚦姫,梁嬴之於晉,顏懿姫,鬷聲姫之於齊是也。旣卒也,稱姓** ,江芊,息嬀之類是也。於大夫則稱姓,冠之以大夫之氏,趙姫 ,冠之以諡 盧蒲姜之類是也。在彼國之人稱之,或冠以所自出之國若 ,成風,敬嬴之類是也。亦有無字而仍其在室之稱 一,冠之 氏 , ,

譏 始祖去之久遠,其關係已亡也。然則得氏之祖,去其人久遠者, 其始祖之姓而止,故必有氏以表之。夫姓不足以表男子者 氏則姓可知耳。蓋女無外事,但於昏姻時考其姓,以発取同姓之 何之事, 秦以後人,所以以氏爲姓者,則因譜牒亡而姓不可知,乃無可如 不重姓也,男子於姓之外又須有氏,女子則但有姓而已足耳 仍不足以表明其人爲何如人,此氏之所以必時變也。然則非男子 而族類亂。」案春秋時之男子,所以不稱姓者,非不重姓也 ,可矣。男子與人交接孔多,必須知其祖父爲何人,不能 非其欲如此也。 ,以其 。 至 但知 ヶ言

EE ●如曾之叔孫氏,所以表明其為叔牙之後也。然使凡叔牙之後,皆以叔孫為 中 國宗 族 制度小史

制

氏,則但知其為叔牙之後耳,不知其在叔牙之後中,支分派別為何如矣。故

必別立氏,以表之,如叔仲氏是也。後漢禮羌傳曰 :「氏族無定。 」案羌发

劍之後,五世至硏。硏豪健。羌中號其後爲研種。十三世至燒當,復豪健

懷燒當; 是硏威者,亦不如其畏燒當也。中國氏之數改,亦同此理。 其子孫更以燒當爲種號。所以必更者,以研去其時已遠,懷硏德者 ,不

如其

色淡

人欲求正姓,乃有吹律定姓之法。其理,略見潛夫論卜列篇。說甚怪迁,不

足信也

譜牒之原也古。周官:小史,掌邦國之志。尊繫世,辨昭穆。若

有事 ,則詔王之忌諱。大祭祀,讀禮法。史以書叙昭穆之俎簋。

注 : 爲諱。」又瞽矇:「諷誦詩,世奠繫。」「杜子春云:世奠繫, 鄭司農云:繄世,謂帝繄,世本之屬。先王死日爲忌,名

謂帝緊,諸侯,卿大夫世本之屬是也。」小史,主次序先王之世

古代事迹,率由十口相傳,久之乃著竹帛。瞽矇之職,蓋尙在小 举年月等 史之前。小史能知先世名諱忌日,則於世次之外,必能略記其
 武譜,不知譜所自起,以問劉杳。杳曰:桓譚新論云:太史公三
 記三代世長,謂「自殷以前 矣。此後世家譜家傳之先河也。此等記載 代世表,旁行邪上,並效周譜。則其既著竹帛之後 巍也。世本雖出後人纂輯 0 昭穆之繁,述其德行。瞽矇主誦詩,幷誦世繁, 故語曰:敎之世而爲之昭明德而廢幽旨焉,以休懼其動。」案 也。十二諸侯年表云:「譜牒獨記世諡。」南史:王僧孺被命 o **瞽矇所諷,可以昭明德而廢幽昏,則非能略知其行事** ,所據當係此等譜牒。今其書己亡。竊 ,諸侯不可得而譜,周以來乃頗可著 ,列國蓋多有之。 以戒勸 ,體例尚可微 人君也 故史

•

中

國宗族制度不史

效之,而桓譚能知其所取法也。 圖案牒,以次建之,何勳之有?」則其制至漢尙存。故史公得放 武援立靈帝,朝議欲加封爵。植獻書規之曰:「今同宗相後,披 之舊式。而五帝德一篇,則瞽矇之所諷誦也。後漢書盧植傳:竇 謂大戴記帝繫姓一 篇,實其廑存者。特累經傳寫,遂失旁行斜上

并爲一 古代譜牒,後世私家亦多有之。其僅存者,散見世說新語注中。 其目存於隋唐志,隨志著錄,家傳,家譜,分隸兩門。舊唐志乃 柳冲傳記其始末曰:「晉太元中,散騎常侍河東賈弼譔姓氏簿狀 註 ●疏・「天子謂之帝繁,諸侯謂之世本。」 ,實非是也。 自魏以來,選舉重世族,其學乃大盛 ●案此語史通亦引之

選百家譜,以助銓序。文傷寡省。王儉又選之。王僧孺演益,**爲** 王弘,劉湛好其書。弘每日對千客,可不犯一人諱、湛爲矚曹 傳子希鏡。希鏡譔姓氏要狀十五篇,尤所諳究。希鏡傳子執。執 譜者以路敬淳爲宗。柳沖,韋述次之。李守素亦明姓氏。後有李 冠撰梁國親王太子序親簿四篇。王氏之學,本於賈氏。唐興,言 更作姓氏英賢一百篇。又著百家譜,廣兩王所記 十八篇 有氏族一 公淹,蕭穎士,殷寅 十八州,百十六郡,合七百一十二篇 譜學大抵具此 。東南諸族,自爲一篇,不入三家數。弼傳子匪之。 篇 。王符潛夫論 。」又曰: ,孔至,爲世所稱 ,亦有姓氏一篇。宋何承天有姓苑二篇 「初太宗命諸儒撰氏族志、 。甄析士庶,無所遺 。初漢有鄧氏官譜 。執傳其孫冠 甄差羣姓 0 匪之 應劭 , 0

Ò

中

國宗族制度小史

制 度 小 史

取 物故 故記載職以官司,私譜不容紊亂。鄭樵所謂「隋,唐而上,官有 閱用人,社會以門第相尙 討綴 之家,等而次之。夷蕃酋長,襲冠帶者,析著別品。會元忠等繼 忠,岑義 乃定。」此唐以前譜學之大略也。譜系本私家之事。然朝廷以閱 **七不論家世,昏姻不問閥閱,」而其法大壞矣。唐人姓氏之書** 當時重之如此 其後門胃興替不常。冲請改修其書。帝詔魏元忠,張錫 ,家有譜系 , 。至先天時,復詔冲及堅,兢與魏知古,陸象先,劉子玄等 書乃成。號姓系錄。開元初,詔冲與薛南金,復加刊竄, っ催提 一,徐堅 。研覈其事者 ;私善濫,糾以官籍;官籍缺,考以私書」 ,劉憲,吳兢及冲,共取德功時望 則 其關系甚大,非復一 ,自可成爲學問 。至五代而後 家所得自 ,蕭至 , 者也 國籍 私

九品中正之制。實則社會故有此階級,而九品中正之制,乃緣之 本?此外則皆亡矣。亦可見譜學之衰矣。世皆謂門閥之盛 而興;而兩漢選舉之不論門閥,特其偶然伏流耳。 存于今者,惟一元和姓纂。通志氏族略,多與之同。蓋卽其所 ,由於

註 ●注所引皆稱譜,惟王渾一條稱家譜。隋唐志所著錄,則皆稱家譜

你入你記,家諮入贈系。

自亦鄭樵語。

史定繁世,辯昭穆,故古有世本,錄黃帝以來至春秋時諸侯卿大 由盛衰。今節錄之。其言曰:「氏族者,古史官所記也。昔周小 **柳沖傳又載柳芳論氏族之語,頗可見崇重門第之由來,及譜學所**

关名號緞統。秦旣滅學,公侯子孫,失其本系。漢興,司馬遷父 中 國宗族制度小史 三五

先王 子,乃約世本,修史記,因周譜,明世家,乃知姓氏之所由出。 郡中正 更王迭霸 品 矣。然猶徙山東豪傑,以實京師。齊諸田,楚屈,景,皆右姓也 稽譜籍而考其眞偽。故官有世胄,譜有世官。賈氏,王氏,譜學 始尙姓己。然其別貴姓,分士庶,不可 0 , 猶爲彊家。漢高帝興。徒步,有天下。命官以賢,詔爵以功 其後進拔豪英,論而錄之,蓋七相五公之所由興也。魏氏立九 ,夏,商,周,昆吾,大彭,豕韋 置置 一公卿之胄,才則用 功曹 中正;尊世胄,卑寒士;權歸右姓己。其州大中正主簿 ,多者干祀 ,皆取士族爲之。以定門胄,品藻人物 ,少者數十代。先王之封旣絕 ,不才棄之;不辨士與庶族;然則 ,齊桓,晉文 易也 一。于時: り 皆 ,後嗣蒙其福 有司選舉 。晉宋因之, 同 祖 始尙官 也 必必 , ,

出焉 反古道 衣冠,人無廉恥。士族亂而庶人僣矣。故善言譜者 不怒,質之姓氏而無疑,綴之婚姻而有別」云云。觀其言,可見 ,至於尙姓。姓之弊,至於尙詐。隨承其弊,不知其所以弊 。由是有譜同。令史職皆具。夫文之弊,至於尙官。官之弊 ,罷鄉舉,離 地著,尊執事之吏。於是乎士無郷里,里無 ,繁之地望而 ,乃

譜學之興,實由社會故有士庶之別也 譜牒所以明統系,統系明則氏族不淆。然必社會先有重視氏族之 ηľγ 衰敝之族 收族之心,而譜牒之纂修復盛。至於今日 0 此晚唐以後 ,而後譜牒之法,得以維持。否則非以偽亂眞,卽闕而不舉矣 **始** ,譜系之所由不可復問也。自宋學盛行,人有敦宗 無不有譜。然其用意,則與古大異矣。今人譜法, ,苟非極僻陋之邦 ,極

0

沖

國宗族

制度小史

族制度 小 此

於治化 不載,譜系之法,不掌於官,則家自爲書,人自爲說,子孫或過 編,可以**領諸家之總,而**備史之要删。」又謂「國史不錄,州志 藏之於家,易於散亂。盡入國史,又懼繁多。方州之志,考定成 竭力調查者爲確實也,惟此事宜以官力輔助之。音章實齋撰和州 志,有氏族表。撰永淸縣志,有士族表。其序,謂、「譜牒之書, **率本歐,蘇** 不得其實者,家譜固無不具之,且無不能得其實。茍使全國人家 短,智愚賢不肖之相去,一切至繁至瑣之事,國家竭力考査,而 ,姑措勿論。然使今後譜學日以昌明;全國譜牒,皆臻完善 皆有美備之譜牒,則國家可省無數考查之力,而其所得,猶較 ,固大有碑。何者?人口之增減,男女之比率,年壽之脩 。而踵事增華,其例實較歐蘇為美備。此篇非講譜學 列則

警其祖父,是非或頗謬於國史。其不肖者流,或謬託賢哲,或私 粥宗譜。悠謬恍忽,不可勝言。」「今大江以南,人文稱盛,習 尙或近浮華。私門譜牒,往往附會名賢,侈陳德業,其失則 大河以北,風俗簡樸,其人率多椎魯無文。譜牒之學,闕焉不備 **竭,萬歷中所修州志具在。是在官易守,私門難保之明徵。凡此** 又謂和州明季乙亥,周書燬於兵燹,家譜世牒,寥寥無聞;而嘉 所言,已足見譜牒之事,不宜專責諸私家,而官司必當相助爲理 。往往子孫不誌弓曾名字;間有所錄,荒略難稽,其失則陋。」 弗及,情又換而不親,必非私家之力所克舉,而欲考世系以明**史** 。抑予尤有進焉者:古代緊世之所以易奠,實以其人皆聚族而居 後世情勢既殊,更欲聯散處之分支,以同歸于一本,力旣薄而 誣

三九

中國宗族制度小史

通 家譜牒,纂修縱極詳備,終不免限於偏隅。合全國之譜牒而會其 此者,或則行文詢問,或則遣吏考査,亦惟官力爲能行之。且私 實 纂,總其成而輔其不及,實於民政文化,兩有裨益矣。宗法之廢 不可行。惟借私家之譜牒,以助官力之調査,則其事極易行 其所裨實大也。私見如此,竊願承學之士,共究其利害焉 ,由於時勢之自然。後人每欲生今反古,謂足碑益治理,其事背 ,辨遺傳以定昏姻,有非合遠近以共觀,則其事不明者 • 凡若 ,亦惟官力爲能操其關鍵也。然則國家釐定譜法,責令私家修 0

●如分族長戒敕不肖子弟;兩姓有訟,令兩族族長,先行調處等皆是

吾國表女系之姓,與表男系之正姓庶姓並行,及庶姓專行,蓋各

姒 實遂非 有其時代。表女系之姓之盛行,蓋尚在史記之前。姫 大姓 以正姓表始祖,以明一本;以庶姓表支派,以別親疏。其時此等 男系之同異而別,則表女系之姓,已無所用之。故其名猶是 降為 舜,禹之後矣。於是表女系之姓亡。時則主男系之宗法方盛 廢,既無不 明。故雖派別支分,而仍不昧其原本。迨封建破壞,諸侯大夫 故以姓別之。迨乎女系易爲男系,婚姻之可通與不可通 ,在當時 編月 ,大抵聚居一處。有分出者,非爲諸侯,卽爲大夫 。姫,姜,姚,姒,始以表大系者,至是乃以表炎,黃 ,蓋各爲一女系之部落。此等部落,同系者昏姻不通 則勢散而力薄。遂至但記庶姓,而昧其本姓。封建旣 敢躏先君之别子,又無特起之大夫,無從別立新氏; , 姜l ,譜牒詳 ,亦由 姚| , 乃 ,其 ,

宗族

制度小史

同族 唐以前 mi — 以 大抵姓氏之淆亂 已 庫仁;柳城 派;而所謂庶姓者,遂百世不易。於是正姓亡而庶姓專行矣 , 削 則 因字形之異而分爲一;共氏,叔氏,段氏,同出鄭共叔段而分 古所謂庶姓者 0 人之後 乃自譜牒既亡 同族而不同望-၁ , 又如魏書高陽王雍俘,言博陵崔顯 nJ , 謂庶姓盛行之時;自五代以後 辨別姓氏甚嚴 李氏,世爲契丹酋長;營州王氏本高麗 • 亦不復如古代之羣萃州處, ,非由 ,亦徒有其名,而不能藉此以別統系矣 ,而此等區別 0 凡若此 誤分 0 如 , 卽 省 新唐書言河南劉氏 , 由誤合 無非欲嚴其區別 ,又不可知 0 , nJ 誤分者 ,世號東崔, **無庸多立新名** 謂庶姓衰敝之時也 則 今日所謂 , • , 如代 以明其系統 ,則 本出匈奴之劉 。故自唐 地寒望劣 同 • 0 虚[本 姓而 以表 姓 氏 0 不 0

爲三是也。誤合者,則如賜姓,改姓,冒姓,子從母姓,奴從主 姓,異姓爲後;或因字音字形之淆譌;或則複姓去其一字皆是。 古姓之可考見者,遠且勿論,卽五代時之百家姓所載諸姓,今已 有不經見者矣。豈亡氏者如此之多邪?其必有與他姓誤合者,無 足疑矣。又新造之姓,若皆能如漢武帝之於金日磾,取舊姓所無 舊有之姓相混。至於今日,殆於紛紜輕轉,不可究詰矣。今日更 之字,固不處其混淆。然造姓者又皆不能。于是新造之姓,又與 無從。然此本無謂之事。吾輩之言譜牒,祇在藉以輔助民政,研 欲追溯正姓,固不可得。卽僅就現行之姓,一一追原其始,亦屬 究學問。則斷自所知,溯實記載焉可矣。其不可知者,不徒不必

四三

強溯。。

彼強爲附會者,且宜删削,以昭眞實也。

中

國宗族

制度小史

註 姓者 國本 日磾姓金之意。然漢武取義於休屠王祭天金人,亦以中國本無金姓也 者 族之道。中杳省其告論之。如巳更易者,聽其改正。可謂正大簡要。 入仕之後,或多更姓名。朕慮歲久,其子孫相傳,昧其本原,非先王致謹氏 ●日知錄卷二十三通譜。 ,三月,癸未 國人之更為胡姓,非禁胡人之本姓也。三年,四月,甲子,詔蒙古諸色人等, 上謂兵部尚書曰。各衞韃靼人多同名,宜賜姓以別之。於是兵部請如洪武 非我族類,其心必異。宜令復姓,庶可辨識 多改為漢姓,與華人無異。有求仕入官者。有登顯要者。有爲富商大賈 有霍姓,而賜之霍,則與周霍叔之後無別矣,况其時又多不率旨而 o 其年閏九月,丙午,淮安府海州儒學正會秉正言 · 臣見近來,蒙古色目 ,以火你赤爲翰林蒙古編修。更其姓名曰霍莊 ●日知錄日・「洪武元年,禁不得胡姓者,禁中 。 至永樂元年,九月 。蓋亦放 今中 , 至九 漢武 庚子 自為

賜

中故事,編置勘合,給賜姓氏。從之,三年,七月,賜把都帖木兒名 之種相亂」云云,案新姓與菑姓之淆混 , 倫 都兒灰名柴秉誠,保住名楊效誠,自此途以爲例。而華宗上姓,與**旃**5 ,以此等關係爲最多。 入民國後之滿 吳允融

作之道 言,均無更大之團體,內藉此以治理,外資此以自衞;而分工合 事 合族而居之制 族 通工 平民之家,不 而代之以小家,亦勢不容已矣。職是故,書契所記,三代之時 ,或礙國家之政令;羣族互相爭鬭 人, ,胥資社會;則合族而居之利,已自不存;而族長手握大 ,亦卽寓於其中也。逮乎後世,安內瓊外 造中國姓名之西教士,皆是也。 ,必盛於天造草味之時。 過五口八口。 卿大夫之家,雖可聯之以宗法,然 ,尤妨社會之安寗;則破大 以其時就政治言,就生計 , 旣 有國家;易

四五

中國宗族制度

小小史

四

無異 同 財者仍不過大功以下;且仍許其異居,則其家 矣 0 既許其異居 ,而猶必聯之以宗法者 • 則 亦亦 以封建之世 與平民之家 ,

之道也。然則封建廢,則宗法亦當隨之而廢;宗法廢 諸侯卿大夫之族 ,實係高居民上,役人民以自養,不得不謀 ,則貴 族之 自衞

美談者 家 ,亦當 刖 一如平民之家矣。然後世猶有以宗族百口,累世同居為 由未知宗法爲與封建相輔而行之制,誤以其團結不散

,

之事 爲倫理所當然;且未知古所謂宗 ,每年僅合食一次 , 並 無 同

也 0 累世同居之事 ,蓋起於漢 。趙氏翼陔餘叢考曰:「世所

傳義門,以唐張公藝九世同居爲最。然不自張氏始也。後漢書

樊重三世共財

٥

繆彤兄弟四人,皆同財業。及各取妻,

諸姉逸求

分異。形乃閉戶自撾。諸弟及婦聞之,悉謝罪。蔡邕與叔父從弟

同居,三世不分,則鄕黨高其義。又陶淵明誠子書云:穎川韓元 長,漢末名士。八十而終。兄弟同居,至於沒齒。濟北汜幼春, 之者,特服紀之律而巳。間有糾合宗族,一再傳而不散者,則人 之盛時,宗族之法行,故得以此緊民而民不散。及秦用商君之法 七世同財 見於各史孝義孝友傳者,南史十三人,北史十二人,唐書三十八 異之,以爲義門。豈非名生於不足歟?」蓋封建之世,宗法之行 人,亦莫知有敬宗之道。寖淫後世,習以爲俗。而時君所以統馭 今反古,而同居者至於千百口也。趙氏綜計前史,謂厯代義門, 分合之間,自有定則。固不至如後世之宗族不相恤;亦斷不得生 ,富民有子則分居,貧民有子則出贅。由是其流及上。雖王公大 。家人無怨色。是此風起于漢末。陳氏禮書曰:「周

中

國宗族制度小史

四七

四八

炊飯 父母,父母在者,子孫不得別財異居。二年,八月,丁亥 父子率多異居。宋史:太祖開寶元年,六月,癸亥 數竈。蓋亦染江南之俗也。隋盧師道聘陳,嘲南人詩曰:共甑分 事參軍周殷啓曰:今士大夫父母在而兄弟異居,計十家而 宜明其禁,以易其風。當日江左之風,便已如此。魏書裴植傳云 人父子殊產,八家而五。其甚者,乃危亡不相知,飢寒不相 者。其風可謂盛矣。然顧亭林日知錄曰:「宋孝建中・ 在孝友孝義傳 人,五代二人 植雖自州送祿奉母,及瞻諸弟,而各別資財,同居吳爨;一門 ,同鐺各煑魚。而地理志言蜀人敏慧輕急,小人薄於情禮 ,而雜見於本紀列傳者。又有正史不載,雜見他書 ,朱史五十人,元史五人,明史二十六人。又有不 ,詔荆蜀民祖 中軍府錄 分韶川 七 恤 。庶 ,

峽諸州,祭民有父母在而別籍異財者,論死。太宗淳化元年,九 之意,可謂深且篤矣。若劉安世劾章惇,父在別籍異財。絕滅義 月,辛已,禁川峽民父母在出為贅壻。眞宗大中祥符二年,正 禮,則史傳書之,以爲正論 異 不得別財異居。乃今之江南,猶多此俗。人家兒子娶婦 爨者。 豈君子之言與?」 觀顧氏之言,則知析居之風,由來已久 ,戊辰,詔誘人子弟析家產者,令所在擒捕流配。其於敎民厚俗 理當然。漢人之行之,蓋以其時去封建之世未遠,習以惇宗睦族 九 ,且滔滔者天下皆是。趙氏所輯累世同居之事,雖岩甚多 。而老成之士,有謂二女同居,易生嫌競;式好之道,莫如分 华之1.毛耳。此等累世同居之人,其原因有二:(一)由誤謂倫 。馬亮爲御史中丞,上言父祖未葬 ,輒求分 っ質則 2

中

國宗族制度小史

四九

姓之衰 餘家 **軰,近將萬室。北史薛允傳:爲河北太守,有韓馬兩姓,各二千** 之代:瀛 有原因,非逐一考證,不能 見同居之盛,由于理學家之提唱者不少矣。(一 能以宗法訓其家人,或累世同居 者。及乎有明之初,風俗淳厚。而愛親敬長之道,達諸天下, 人制 為美談,而不察其實也。後人遂仍其誤,莫之能正。宋儒墨守古 • 卓然有見於遺經。金元之代,有志者多求其說於南方,以授學 度 。今日中原北方,雖號甲族 , , ,冀諸劉,淸河張,宋,幷州王氏,濮陽侯族,諸如此 提唱同居尤力。顧氏華陰王氏宗祠記曰: 與江南相去复絕。陳宏謀與楊樸園書,謂一个直省惟 明了。如日知錄謂 ,無有至千丁者 ,稱爲義門者,往往而有。」可)則隨時隨地 |杜氏通典言北齊 。戶口之寡 一程 ,朱諸子 ,各 其

Ç.

閩中 代北盛於南 族以自衞 荷欲深明其故,則如陔餘叢考所戴歷代累世问居之事,非一一按 人為一,乃足自安 時地 , 江西 ,考厥情形不可 0 , 而南方山嶺崎嶇之地,進化較遲。流移者須台惡徙之 ,近世南盛於北。蓋由北齊之代,喪亂頻仍 湖南,皆聚族而居,族居有祠。」則聚居之風,古 。土署者或與合族而居之時,相距未遠故也。 。固不容執一端以強斷之矣。 ,民多合

至 如如 斯 加立 ,必當時之俗,實有父殺其子者。「 家長有生殺家人之權 也 0 ❷後來或無此意,然其制之初立,則確係 ,即於國家法律有礙。春秋之義,斤斤於父殺其子 小杖則受,大杖則走』 如此 0 之義, ●送史聖宗 亦因

統 和元 年 , 十一月 , 詔民有父母在,別籍異居者坐罪 四原注李元綱厚德

中

囡

宗

族

制

度

小

史

錄。❷顧氏又引抱朴子:「漢桓帝之世,更相濫舉。時人爲之語曰:舉秀才~~

輔德一 錢 此等聚族而居之事,流弊頗多 租 出私財 合族公事 君王將相一人,共爲始祖 , 暨其郡郭 0 0 , 何處控訴 修建祠堂 因而不肖之徒,從中覬覦。每以風影之事,妄啓訟端 疏可見。疏云:「江西民人,有合族建祠之習。本籍城郷 ,任意侵用。」又云: 不 , 知 書 開銷洞費 ,並省會地方 o 察孝廉,父别居 。率皆棟字輝煌 ,卽住何 。縣訟不勝,卽赴府翻 . 處祠堂 , 0 <u>с</u> 如周姓則祖后稷,吳姓則祖 但系同府 0 「所建府省祠堂,大率皆推原遠年 ,規模宏敞 ,即用 則 讀清高宗乾隆二十九年江 其風之盛, 何 , 處 實不待宋孝建中矣 同省之同姓 0 祠 其用餘銀兩 費 0 府審批結 0 用竣 ٠, ,復按戶派 泰伯 即糾斂金 • , 西巡撫 置產收 又赴省 0 藉稱

悖謬 流支派無所擇 姓則祖太公望,袁姓則祖袁紹 收割之後 牌位於總龕之內 0 0 訪其同 原其創建之初 ,亦復如之。凡屬同府,同省者 府 。百計勸捐,多方聳動。愚民溺於習俗,樂於輸助 ,同省同姓 。出錢者聯秦越爲一家 ,列名于宗譜之册 ,不過一二好事之徒,藉端建議 ,或聯絡於生童應考之時 。有祠必有譜。 0 毎祠 ,不出錢者 ,皆得出費與祠,送其支祖 牌位 其纂輯宗譜 , 動以干百計 ,置親支於局外 ,希圖經手侵漁 ,或奔走於農民 , 荒 o 故 0 源 唐

E

中國宗族制度小史

官給牌服

,令司化導約束之事。其事亦實不可行

其費日集而多

ラ其風

日踵而盛

0

初成廣廈,置之空問

0

歇訟聚賭

,

窩匪藏姦

,不可究詰。近於省會祠

中,復經拏獲私鑄案犯」

云

,令民選舉族正族約

0

。其流弊可謂大矣。先是陳宏謀官江西

。乃輔德議廢漏

五四

宇,宏謀猶寓書楊樸園,謂其 「因偶然之弊,而廢長久之良法 0

何其迂而不切於務與。

註 ●經世文編卷五十八。

程間 戏蠻子,皆以宗降。漢之實陵邑,以六國巨宗徙」是也。小程謂 宗法盛行之時,國家之下,宗亦自爲一 漢高祖欲下沛,只是以帛書與父老,父兄便能率子弟從之。又如 也,周公。康叔以宗封。其衰也,平王以宗徙。翼頃父,嘉父 相如使蜀 安可?」因謂「管攝天下人心,收宗族,厚風俗,使人不忘本, 「必有尊卑上下之分,然後順從而不亂。若無法以聯屬之, ,亦遺蓍責父老,然後子弟皆聽其命。」亦由於此。小 階級。龔定庵謂 「周之盛

散無友紀 各種階級 絕禍根也。若後世,安用此乎? 須是明譜系,收世族,立宗子法。」 古所以有族誅之刑者,正以其時族之摶結厚,非如此,不足以 。自衞之力旣強,衞國之力亦大。然其爲政令之梗亦甚 ,使人人直屬於國。宗法盛行之時,其民誠不 殊不知國家之職,正在削平 如後世之

きの農宗篇。

異財議日: 強宗巨族之害如此,則所謂義門,實不足尙。斯理也,明達事理 之士,亦多見及之。其言之最直捷者,無過於李穆堂。穆堂別籍 尊祖敬宗之誼,海內未能或先。至於一家之中,累世同爨,所 「吾江西風俗淳厚。聚族而居 。族必 有祠 ,宗必有譜

五五五

中國宗族制度小史

在多有。若江州陳氏,青田陸氏,並以十世同居,載在史册 此風亦稍替矣。觀朱子曉讓兄弟爭財產事 論王政,止稱八口之家。朱子釋之,以弟爲餘夫,壯而有室 助 不邍者依法斷罪。信乎儒者之政,異乎俗吏之爲之也。然細思之 別授百畝。是古者未嘗禁人之分居也。惟是鄕田同井,相友 戶所能行也。 是篤行之士,矯爲累世同居之事。姑以勸親睦而激薄俗耳 。凡祖父母,父母在堂,子孫別籍異財者 , 尚有未盡善者。蓋禁其爭財可也,禁其分居,恐未可也。孟子 筦庫司稽,善敗懲勸,各有定制。又必代有賢者,主持唱率 ,相扶持 ,則分而不分耳。迨世旣衰,漸失友助扶持之意 凡累世同居者,必立之家法。長幼有禮。職事有司 ,援据禮律,以敦敎化 ,並將關約呈首抹毀 , 。於 ,相 ,卽 今 非 比

無不可 責已分者使之復合,是強人以所不能,勢不行矣」 傳家政;或年雖未衰 勢不能以終日 而 商是競 而不敗也。至於祖父母,父母在堂,亦微有辨。 後可行。否則財相競,事相諉;儉者不復儉,而勤者不復勤 姚崇遺令,以達官身後,子孫失蔭,多至貧寒。斗尺之間 。且其家旣分析,必其家法未立;又無可棄綜之人。今必 。欲預爲分定,以絕後爭。亭林謂當時老成之士,謂式好 。反不如分居者各惜其財,各勤其事, ,別有疾病,而不任綜理;則子孫析居 如年踰七十 其說可謂 猶可 以相持 甚通 亦亦 宜 多參

聞百姓,有戶高丁多,苟爲規避,父母見在,乃別籍異居 抑民間之分居,尙有出於不得已者。唐玄宗天寶元年,敕 中 國宗族制度小 史 五七 。宜令 • 1 如

之道

,莫如分爨。皆與穆堂所見相同者也

州縣勘會。 以上放一丁。 。」蓋古以人丁衆寡,定戶等高下,析居所以避多丁,兒重役也 宋時之民,有自殺以冤其子之役者。此豈空言禮敎,所能強使 其一家之中,有十丁已上者,放兩丁征行賦役。五丁 卽令同籍共居。以敦風敎。其賦丁孝假 ,與免差科-

★ ● 問應賦之丁。遇父母亡則免差科,謂之孝假

同居哉?

制 五口八口之家,雖非強宗巨族之比。爲家長者,亦終必帶幾分壓 對曰:「惟不聽婦人言耳。」此一語盡之矣 。況於累世同居者乎?浦江 鄭濂 ,累世同居 。清劉紹攽論之日 。明太祖問以其道

不聽婦言,家亦無有不離者。女子之生,惟夫是依。

方其待

我何幸其齊?又何憂其不齊?適足以毀其家耳。」頗能鍼砭俗儒 之失。然今日之所謂家者而不改,女子終不能自拔。爭女權者 其情最篤。篤者睽之,奚論不篤者?吾不知夫之父母,兄弟,姑 姊,妯娌之屬,又當何如疑慮,何如防閑?爲之婦者,行且自計 **嫁**,未嘗不厚自期許,曰:異日者,佐吾夫,齊吾家;,及其旣歸 而夫乃曰:是離吾家者,言不可聽。則其情必睽。夫夫之於婦 **:謂我以夫爲家,夫顧外我,家之人從而擯我** ,又未嘗不深自黽勉,曰:今日者,幸得佐吾夫,庶幾齊吾家 ,然則家非我 有 ,

起草,嘗演說曰:「今日政治之不善,中國人重視其家之習,有 今日之所謂家者不改,又有一弊。亡清之末,議定民律。某君司 亦不必計較於百步五十步之間也。

中國宗族制度小史

能轉移也 有以異乎?無以異乎?此事癥結,自別有在。斷非數條民律,所 其所以如 利其身耳。人人思自利其身,其詒害於公,與人人思自利其家 ?且由今之道,無變今之俗,卽將今所謂家者毀棄,亦人人思自 則亦未是。今日歐美人之家,特較中國人之家,大小不同耳。其 性質問無以異也。中國人思自利其家,歐美人獨不思自利其家乎 切皆無可望,亦不獨政治也。」其言善矣。然以此偏責中國人, 以爲之累也。國家之任官,將使之行國家之意也。而今之官吏, 無不爲財來。故缺有肥瘠,差有美惡。彼直商賈耳 此者 ,皆家爲之累也。今日人人重視其家之習不改 ,安暇奉公? ,

古代財產,本為一族所公有。為族長者,持操其管理之權耳。古

實與私有無異 畝之田,率由公給,轉無所謂繼嗣之爭矣。後世財產私有,而其 治理之權也。爲家長者,財雖非其私有,然既操管理之權 **所以嚴「父母存不有私財」之禁者,非惡其有財,乃惡其侵家長** 。古代貴族所以爭襲者,半亦由此。若平 民 則 , 則 白

情形乃 業於一人 有之制既廢,而以一子繼嗣之習猶存,遂成一子襲產之制 久行均分之制。清律::「分析家財田產,不問妻,妾,婢 非其私有 財產爲一族所公有之世,爲族長者,雖得操其治理之權 固不可 ,坐視 變 分 。則所謂緞嗣者 0 ٥ 則於衆子之中 其餘之人,無立錐之地 ,亦繼嗣其治理之權而已。夫治理之權 ,不得不擇其一。 ,於理殊覺不安。 其後財爲一 ,然財究 族所公 吾國則 生,但 0 專產

中國宗族制度小史

婚嫁 可觀者 之道。然必限之以宗族,則仍未免楚弓楚得,失之不廣也! 亦僅存其名而已。族中公產,如祭掃等費,亦其微已甚。其小有 其權力究亦不大。江河流域之平原,則幾於無復此事。卽 由合族所醵 以子數均分 ,又無財產, 。亦或推廣之,設立義塾,津帖應試者之旅費 ,則爲後人放宋范仲淹所置之義田 。用以瞻其族之老,幼,孤,寡,貧病者。助其喪葬 是也。至此,則所謂宗族者,僅存空名。旣無權力 南方山嶺之區 ,或有設立規條 ٥ 或由一二人出資 ,以治理族衆 0 此誠得互助 有之, 者 ,或 然

註 ●姦生之子,依子量與半分。無子立繼者,與私生子均分。 之者意誠甚美。然實惠所及,時或不多。以一姓之人口,必降而愈繁,財產 ●義田 贍族 觓

立還借之法。以期可久。

後。言禮者多深非之。然主張人皆立後者,亦自有其說 適不可。且古之有家,略同有國,統緒不可淪亡。後世旣無世官 **責貴家之正適以收族,非廢選舉而行世官** 正適失官 乃當用此例。此外則入官悉由選舉;庶孽崛起,卽同別子之尊; 惟有世職 立後之法,亦今古不同 世祿,但論親情 「古者行世官世祿之制,不可令小宗旁支,雜出干預。後世則 ,還同庶人之賤。其貧富亦視其勤惰奢儉以爲衡。若必 , 世爵 ,及如明之屯軍有句丁,鹽丁,工匠有世役者 , 則適 。古者大宗不絕小宗絕,今則人人皆欲立 庶 ,長幼,同是五世則遷之宗耳。何必 ,奪庶孽之財,以與正 。其說日 ,

六三

中國

宗族

制度

小史

不可 不甚 子, 養死葬祭祀之責,而許其承受之為得也。」凡此 奪人之子以爲子?亦何必舍其父而謂他人父哉?夫如是,則大宗 同宗昭穆相當之姪承繼。先儘同父周親。次及大功,小功,總 立後者之說也。議論 致 以祭祀論。古者殤與無後者 如俱 , ,實有承受產業之關係。法律旣保護私產,不能強人與所不欲 立 便 國 則 無祖廟,令其祔食何所乎?且後世田產非由官授,率皆自 無 家亦既許其私之矣。死而收之,亮非人情所願;而 。大宗不立,則人人各親其親 。令其親族分受,糾紛益多。轉不如立一人焉,令其盡生 , 許擇立遠房及同姓 如是,而法律隨之。清代之法 ,祭於宗子之家,從祖耐食 。然此但就親族倫序言 ,各禰其禰 ,皆主人人可以 ,固其所也 ,無子者許以 0 而承 0 **今無宗** 於事亦 綴之 交叉 脉

薆。故例又云:「繼子不得於所後之親,聽其告官別立。其或擇 立賢能,及所親愛者,若於昭穆倫序不失,不許宗族以次序告爭 與之人。且承繼之子,當盡奉養其父母之責。亦不能強立其所不 ,并官司受理。」

蓋專重本人之意思矣。

註 俗之人人皆欲立後也。 宗。餘子無後者,耐祭於宗子之廟。大宗不可絕,故族人以支子後大宗 而死, ●儀禮喪服:「大宗者,尊之統也。大宗者,收族者也 大宗而立後者,古未有心,今一人必求一繼者,世俗之瞽說也。」案柳宗元 以支子後大宗也。」公羊莊二十四年解詁:「小宗無子則絕」。 與許孟容書,自以得姓來二千五百年,代為家嗣,故以無後為戚 國宗族制度小史 庶子弗爲後。蓋後其父也。 ●案此乃後世國權擴大,人人直屬於國之證。古之 ●黄宗羲曰•「古來宗法 。不可以絕。故族 ,有大宗。有小 〇宗子為殤 0 猶非 如世 人

惟其 親論 又通典載田瓊之論,亦謂當以一長子後大宗。諸父無後 使老而無後者,不得安其生 有無 臣人者,以实宗, 其所欲之說爲最當也 子還承其父。」此事自無疑義也 語不具耳。「大宗無後,族無庶子,當絕父以後大宗,」明見於石渠之議 其說曰:「父而 而於事不甚便。 ;不得越次房而及三房,亦不得越次子而及第三子者。有謂除各房之長子, (所欲者 男歸女,無女入官之條。無男歸女,實爲尤協。無女入官,於理亦尤 · 有謂長房無子, 者 於 。有謂宜擇最多子之 理皆有可通,於禮與律,皆無明據 恐與其人切近者 可絕,則適 非以其人;任人者,亦任其宗,非任其人也 必以次房次子承繼 也。 子何以不得後大宗,而必以支子乎?」按此 一房,令其承繼者 0 ,知其死後產將入官,於其生前 母并有謂絕父以後大宗,非古人之意者 母此中倫序, 議論 ;次房無次子 , 吾謂以律意推之,自以惟 。并有謂親疏 ,乃得立三房之次子 亦不一。如以 ,祭於宗家。後以 0 設計捷 相等 四案舊律 同父周 可决 古人 奪

之虞。故高宗時,又定無祧之法,令一子得鼐承兩房之嗣。而人 以異姓爲後,又必令昭穆倫序相當,則欲立後者,仍有無後可立 人皆可立後之義,乃幾於無憾矣 族人丁衰少時,往往近親固無多丁,遠房亦無支子。清律旣禁 0

註 ●大宗子兼祧小宗,小宗子兼祧大宗,皆以大宗為重。爲大宗父母服三 年

為小宗父母服期。小宗子兼祧小宗,以本生為重。為本生父母服三年,隸祧

近人立後論云:「 父母服期。此所謂大宗。指長房而言。小宗,謂次房以下。 現行律:男女婚姻條例:招壻養老者,仍立同

宗應繼者一人,承奉祭祀,家產均分。如未立繼身死,從族長依

例議立。立嫡子違法條例:婦人夫亡無子守志者,合承夫分。須

中國宗族制度小史

六七

么

當者 姓亂宗 宋初新定刑統,戶絕資產下引喪葬令:諸身喪戶絕者,所有部曲 功, 子者之財產 係聽人之便 朝後起之例。明清兩朝律文,均無強人立嗣之法 與嗣子均分。天下不近人情之事 子者許令同宗昭穆相當之姪承繼,先儘同父周親。次立大 憑族長擇昭穆相當之人繼嗣。據此兩條:無子者須強使立後 溯之元。元史刑法志戶疏議引戶令:無子者聽養同宗於昭穆相 恕 0 日聽養 麻 ,罰尊卑失序,未嘗言不立嗣者處罰 , 如 ノ且強 , 非謂無子者必今同宗昭穆相當之姪承繼 俱無,方許擇立遠房及同姓為 , 亦非強人養 使給與嗣子。 。可知古法相傳 有親 ,莫過於此。然考此兩條,爲 女者 , 嗣 , 雖招壻養老,亦僅能 也 無 0 0 卽清朝 強 所謂許令者 0 八文嗣 明清律但罰 世 焦 0 之法 由 例 功 明清 ;本 , 小 • 清 無 0

無論矣。此蓋先世相傳之法,不始於唐。秦漢以前有宗法。秦廢 官爲檢校 量營功德之外,餘財並與女。無女,均入以次近親 姓男,戶令聽養同宗,乃於可以不絕之時,爲之定不絕之法。喪 位 封 爲營喪葬,不必立近親爲嗣子。而遠親不能爭嗣 有近親爲之處分,所餘財產,仍傳之親女。而遠親不能爭產,更 7 客女,奴婢 此喪葬令乃唐令。知唐時所謂戸絕,不必無近親 建 。以戶爲單位,無某戶可絕,某戶不可絕之理 戶法以戶為單位。以宗為單位,有小宗可絕,大宗不可絕之 ,宗法與之俱廢。蕭何定九章,乃變爲戶法 。若亡人在日,自有遺屬處分,證驗分明者,不用此令 ,店宅,資財,並令近親轉易貨賣。將營葬事,及 ,更 O 。宗法以宗爲單 故唐律禁養異 。雖有近親 0 八無論矣 無親戚 者 Ġ 雖 , ,

中

國宗族

制度

小史

葬令使近親營葬事 , 親女受遺產,乃於不能不絕之時,爲之定絕

法。此戶法當然之理也。」

沃丁之子。小甲崩,立其弟雍己,雍己崩,立其弟大戊,大戊崩 甲是也。然沃丁崩,立其弟大庚,大庚崩,立其子小甲,不復立 周 此解 兄子。如大丁未立而卒,立其弟外丙,中壬,而復立大丁之子大 明 猶奇也。後人者一人而已,旣有為者,而往奇之,是貪財也。觀 軍之將,亡國之大夫,與爲人後者不入。鄭康成曲爲之解 。何以明之?以殷事明之。殷人立弟之法,以次傳訖,仍歸其 ,正不必強訓爲奇。俞樾茶香室經說曰:爲人後之禮,常始于 ,可知東漢時有爭繼之俗,爲人後之弊已見。然與字文義甚 「為人後之說,始見於儀禮。然孔子射於矍相之圃,凡賞 ,謂與

禮,其起於後世之各親其親,各子其子乎?孔子有志於大道之行 族人與前後家,東西家及里尹,皆得主之。何以立後爲?立後之 獨子其子,人固不必皆有後。故古有無服之喪。而喪之無後者, ,亦可知立後之多事矣。」 後,孔于自言殷人,用殷禮也。上古大同之義,不獨親其親,不 ,故矍相之圃,創立此法。此說足以釋爲人後者不入之故。讀此 以武王之子爲之後,猶用殷禮也。孔子有兄孟皮,不以伯魚爲之 卽無後,可知殷禮不爲無子者立後。是以文王有長子伯邑考,不卽無後,可知殷禮不爲無子者立後。是以文王有長子伯邑考,不 ,立其子中丁,不復立小甲之子。蓋以沃丁小甲無子故也。無子

入女子之家。此爲歐西法律所無。然祭祀之俗,旣不能廢,爲無 又共讀律餘談云:「日本法律有女戶主。以女子奉祭祀,而贅壻 中國宗族制度小史

中國宗族制度小史

家主洞 子者計 賦役 漢書地理志載齊襄公時,令國中民家長女不得嫁,名曰 必由男系相承,亦言之不能成理,不過習慣而已。歐西民法 同 以其妻之籍爲籍。此其妻皆巫兄也。觀此,知吾國舊法 太公皇故老婦之出夫。夫而可逐,可出,則與日本之女戶主無異 巫兒。巫兒不必齊襄之法。秦策曰:太公皇齊之逐夫。說苑亦言, 無女戶主 0 可知齊國早有巫兄之法也。賈誼傳言秦地子長則出贅,本以避、 。宋程大昌演繁露,載元豐六年,提舉河北保甲司言:乞義子 0 故秦漢之法,薄待贅壻。或加算,或遣戌。因贅壻無籍 ,與其以他人之子承祭祀,固不如以親女承祭祀。謂祭祀 。嫁者不利其家。民至今以爲俗。是漢時長女主祠,亦名 ,然各國憲法 ,每以女子承王位,則亦女戶主之理也 , 與日本 巫兄,爲 ,雖 0

老,日本民法所謂壻養子緣組。所謂接脚夫,卽日本民法所謂入 有分親屬給牛。詔著爲令。此所謂舍居壻,卽現行律所謂招壻養 孫,舍居壻,隨母子孫,接脚夫等,見爲保甲者,候分居日,此 夫。乃以男子入寡婦之家。現行律及公文書,無接脚夫之說。 接音閉口,例轉幽省,故譌爲爪脚。黃泥卽巫兒。古音兒本讀倪 **邜俗數見不鮮。吾吳謂之塡黃泥。或曰爪脚黃泥。爪脚卽接脚** 公耳。巫兒本義,爲長女丰祀 也。詩曰:誰其尸之,有齋季女。 倪寬卽兒覽。巫兄轉為黃泥,猶胡瓜轉為黃瓜 固宜采巫兒之俗,參女戶主之法。禮順人情,可免獄訟之勞, 。巫者,女能事無形,以舞降神者 中華定民法,苟不廢祭祀之制 ,無是公作亡是 ٥

出

杜

一覬覦之習矣。

中國

宗族制度

小史

國宗族制度小史

盡破除 亦生於此時此地者之恆情。非社會組織大更,其情不能遽變 後 心不變,雖強以法律禁止,亦必不能行。女子不得繼嗣,在今日 欲舉其所有,傳之所愛之人;且立一人焉以主之,勿使之絕。 國 以其謂鬼猶求食之故。今日此等迷信,雖不如古人之深。然亦未 齊俗婦人首祭事。」此亦巫兒之類。知讀律餘談之說,非附會之 談也。惟欲使無子者不立後,則非今日所能 大夫曰: 案此說謂女子亦可承襲爲戶主,於理甚通。左哀六年,陳乞謂**諸** ,下不愛其羣。所畢生盡力經營者,厥惟家室 ,蓋中于「不孝有三,無後爲大」 。又人情於其所甚愛者,每不願其滅絕。中國人上不愛其 「常之母有魚菽之祭,願諸大夫之化我也。」 之說。古人所以爲此說 。中國人所以必欲立 0 鐘 鳴漏盡 注云:一 。 人 猶 列則

託之入繼之男。今後法律,果確能保障人權;弱女持家,不 強 隣之陵侮。則私其子姓,人有恆情;固不慮女子之不能襲産。若 特囿於習俗,而習俗之成,亦有其故。蓋在古昔,法律之效未普 害所在,人同趨避之情。雖歆之曰:此爲文明,斥之曰:彼爲野 乃由今之道,無變今之俗;強陵弱,衆暴寡;官司惟作調停之計 ,鄕里不聞仗義之言。任令羣狡之合謀,坐視孤窮之無告,則利 強暴之力橫行。欲圖保家,必資剛勁,女子之力,不若男子之 。獨力持門,虛難自守。職是之故,不願付諸親生之女,轉願 慮親

中國宗族制度小史

盤

,又孰願取虛名而受實禍哉?

異姓為後,古人所非,鄶以外孫為後

,而春秋書

一萬人滅鄶一是

然其事爲世俗所恆有。方氏苞曰:「俗之衰,人多不明於天

知其所 性 , 而骨肉之思薄 出,猶有外心焉;故常舍其兄弟乙子,與其族子,而 0 謂後其父母者,將各親其父母;無父母而自 求不

祭祀 於同姓與否,各國立法,亦各不同。今日綴嗣,究重襲產而不重 事勢當然 知誰 之情,自近者始。怨毒之結,亦以近者爲深 • 0 有相疾若仇讎者 以予所見, 記何之人 。荷非共產 ,徒執親疏厚薄之說以責人,皆不通世故者也。立後限 ,取之襁褓之中,以自欺而欺人。」此猶 固有惡问族之覬覦,而甘付諸吳姓者矣。天下親愛 ,產業固當保護 ,路人則反無之。 。傳諸 何則?其勢不相及也 何人 が當一 。故親兄弟 聽其人之自願 僅得其一端 ,同父母 0 此 自

雖不許立異姓爲後,未嘗不許養異姓爲子;且許其分得資產。

而

| 異姓爲後之律,今後實宜除之。又養子與立後不同。舊律

0

禁立

所謂 子。乙 坐。又 **警曰:「情之所極** 世俗遇此等事,必羣起而攻之。藉口不許亂宗,實欲把持財產 主秦氏之祀 人咸譏逸。逸敷陳古今,卒不復姓 養之。淑亡,子還所生 ٥ 雖 則使者以片言折衷焉。時有疑獄曰:甲無子,拾道旁棄兒爲已 非所 「其言譪 一事曰:甲有乙,以乞丙 。長殺人,甲匿乙。甲當何論 汝吾所生。乙怒,杖甲。甲告官 生, 誰與易之? 春秋之義 。孫吳周逸,本左氏子。爲周所養。周氏又自有子。 如 ,其心不可問 ,卽禮之所通 。朝廷通儒,遣其郷里,錄淑所養子,還 也。清張海珊與其外家嚴姓親族 。乙後長大,而丙所成育 ,背漢秦嘉早亡,妻徐淑 ,父爲子隱 。董江都一代醇儒 。董日 。甲宜匿 :甲生乙 。朝有疑義 2 ,乞子 。不當 甲上

中

國

宗

族

制

度

小史

七七

七八

春秋,而其所言,若與「莒人亡鄶」之義相反者?一以公言,**一** 育,義已絕矣。雖杖甲,不應坐。夫藏匿逋逃,斷以父子之律。 母之懷,」亦以養言,非以生言也。 以私言。彼亦謂有國有家之主,不得私以其位授異姓。猶孟子謂 加杖所生,附於不坐之條。其為予奪,不旣明乎?」 案江都明於 「子噲不得與人燕」 耳。以私情論,則 「子生三年,然後免於父

註 之親喜悅者,聽其相為依倚。不許繼子幷本生父母,用計驅逐,仍酌分給財 以下,雖異姓,仍聽收養,卽從其姓。仍酌分給財産。又義男女壻,爲所後 ,杖六十。以子與異姓人為嗣者,罪同。其子歸宗。其遺棄小兒,年在三歲 ●公羊襄五,六年,穀梁義同 ●清律例: 「 乞養異姓爲子以鼠宗族者

產。若無子之人家貧,聽其賣產自贍。」除為亂宗一義所牽率外,所以保護,

本人之財產權者,亦甚周至矣。

